

Kena dakwa hari ini

Pemandu wanita hadapi tuduhan sebabkan kematian tentera laut

Oleh Mohamed Farid
Noh
farid_noh@bh.com.my

Johor Bahru

Pemandu wanita yang menyebabkan kematian seorang anggota tentera dalam kemalangan Sabtu lalu, akan didakwa di Mahkamah Majistret, di sini, hari ini.

Ketua Polis Johor, Datuk Ayob Khan Mydin Pitchay ketika dihubungi media, mengesahkan perkara itu.

“Betul, pendakwaan dibuat esok (hari ini),” katanya ringkas.

Kelmarin, Ayob Khan dilaporkan berkata, kertas siasatan kes pemandu wanita itu diserahkan ke Jabatan Peguam Negara di Putrajaya, bagi tindakan pendakwaan.

Beliau berkata, kertas siasatan berkenaan diserahkan ke Jabatan Peguam

Negara untuk arahan dan tindakan selanjutnya.

Sabtu lalu, polis dilaporkan menahan pemandu Perodua Myvi yang terbabit dalam kemalangan dengan dua kenderaan di Kilometer 4 Jalan Johor Bahru - Kota Tinggi, hingga menyebabkan

seorang anggota Tentera Laut Diraja Malaysia (TLDM) maut.

Laskar Kanan Mohd Ri-

zal Buseri, 31, disahkan maut di lokasi kejadian manakala Chang Ah May, 78, cedera ringan.

Pemandu berusia 23 tahun itu dipercayai tiada lesen memandu, selain cukai jalan tamat tempoh dan saringan awal air kencing mendapati pemandu berkenaan positif dadah.

Kemalangan jam 9 pagi itu membabitkan kereta Perodua Myvi dipandu wanita berkenaan dengan kereta Honda Accord dan Proton Iswara.

**Tertuduh tiada
lesen memandu,
cukai jalan tamat
tempoh dan positif
dadah**